

Құрметті ата- ана!

Оқу жетістіктерін сырттай бағалау ережесімен таныс болыңыз.

ОЖСБ Қазақстан Республикасы
Білім және ғылым министрінің
міндетін атқарушының
2012 жылғы «б» сәуірдегі
№ 151 бұйрығымен бекітілген

Қазақстан Республикасының білім беру ұйымдарында оқу жетістіктерін сырттай бағалауды өткізу жөніндегі нұсқаулық

2. Жалпы орта білім беру ұйымдарында ОЖСБ-ны өткізу

5. Жалпы орта білім беру ұйымдарында ОЖСБ негізгі орта, жалпы орта білім алуды аяқтағаннан кейін:

негізгі мектепте (9 (10)-сыныптан кейін – оқытудың одан әрі траекториясын айқындау мақсатында;

жалпы орта (бейіндік) мектепте – оқу жетістіктерінің деңгейін бағалау мақсатында өткізіледі.

6. Негізгі орта білім деңгейіндегі ОЖСБ білім алушылар білім алып жатқан білім беру ұйымдарының базасында өткізіледі.

7. ОЖСБ-ны өткізу қағидаларының сақталуын бақылауды Білім және ғылым саласындағы бақылау комитетінің Білім саласындағы бақылау департаменттері және Министрліктен жіберілген уәкілетті өкілдер жүзеге асырады.

8. ОЖСБ кешенді тестілеу нысанында қағаз жеткізгіш сияқты қазіргі заманғы ақпараттық технологияларды, сондай-ақ уәкілетті орган бекіткен жазбаша тапсырмаларды қолдану арқылы өткізіледі.

9. Тапсырмалар жалпы білім беретін оқу бағдарламаларының негізінде әзірленеді, олардың мазмұны аталған бағдарламалардың шеңберінен шықпауы тиіс.

10. 9 (10) сыныптарда ОЖСБ рәсімдеріне міндетті түрде қазақ тілі және уәкілетті орган жыл сайын белгілейтін 3 пән енгізіледі.

11. Әрбір пән бойынша тест тапсырмаларының саны – 20.

12. Тестілеуге 4 пән бойынша 120 минут (2 сағат) беріледі.

13. ОЖСБ-ның нәтижесі әрбір дұрыс жауап үшін 1 балмен бағаланады.

14. Нәтижелерін өңдеу ұлттық бірыңғай тестілеуді өткізу пункттерінде жүргізіледі.

15. ОЖСБ-ның нәтижелері оқушылардың назарына ол аяқталғаннан кейін күнтізбелік 3 күн ішінде жеткізіледі.

16. ОЖСБ-ның нәтижелерін рейтингтік зерттеу жүргізетін ұйымдар пайдалануы мүмкін.

17. Тестілеуді жүргізуге дайындық барысында оқушылармен тестілеу материалдарын толтыру бойынша түсіндіру жұмыстары жүргізіледі, ОЖСБ рәсімін өткізу тәртібімен таныстырылады.

Оқушыларға:

1) бір орыннан екінші орынға ауысуға;

2) кезекшінің рұқсатынсыз тестілеу материалдарын ашуға;

3) тестілеу материалдарын басқа оқушының материалдарымен айырбастауға;

4) калькуляторды, анықтамалық әдебиеттерді (Менделеев және тұздардың ерігіштігі кестесінен басқасын), электрондық жазба кітапшаларын, корректор сұйықтығын және байланыс құралдарын пайдалануға;

5) басқа оқушылармен сөйлесуге және көшіруге, шпаргалка және басқа да анықтамалық

материалдарды қолдануға;

б) кезекшінің және Министрлік өкілінің рұқсатынсыз аудиториядан шығуға рұқсат етілмейді.

2014-2015 оқу жылында №6 Хромтау гимназиясы 9 сынып оқушыларының ОЖСБ-ны сапалы өткізуге дайындық жұмысына жауапкершілік алу туралы **келісім шарты**

1. Дайындық барысында балаңыздың денсаулығына, көңіл – күйіне, назар аударыңыз.
2. Балаңыздың дұрыс, уақытымен тамақтануын қадағалаңыз, өйткені олар әлі жетілуде.
3. Себепсіз сабақ босатпауын және бекітілген кестеге сәйкес консультацияларға үнемі қатысуын қатаң бақылауға алыңыз.
4. ОЖСБ-ға дайындық кезінде балаға артық үй шаруасын жүктемеңіз.
5. Баланы жігерлендіріп отырыңыз, бір нәрсені жақсы істесе ол үшін міндетті түрде мақтап отырыңыз. Баланың шаршауына байланысты жағдайының нашарлағандығын уақтылы байқап, оны болдырмау Сізден басқаның қолынан келмейді.
6. Ең бастысы – баланың алаңдаушылығын азайтып, оның сабақ оқуына барынша қолайлы жағдай жасау екенін ұмытпаңыздар. Балаңыздың мектеп өмірімен таныс болыңыз. Айтқандарын тыңдаңыз.
7. Кешкі сағат **21.00-ден** кейін көшеге шықпауын қадағалаңыз.
8. Сынып жетекшісімен, пән мұғалімдерімен және мектеп әкімшілігімен байланысыңызды үзбеңіз.
9. Балаңыздың мектепке және үйге уақытылы келуін қадағалаңыз, кешігу болса, оның алдын алыңыз.
10. Балаңыз жайлы проблемалар болса, сынып жетекшісімен байланысыңыз.

№6 Хромтау гимназиясы

директоры:

Г.О.МукашеваАта- ана_____

Келісемін:

(аты- жөні, қолы)

